

《搗破法蘭克》被刪咀戲曝光

要求濕吻楊偲泳 珈其得把口縮沙

岑珈其與楊偲泳（Renci）於新片《搗破法蘭克》再演情侶，昨日電影公司發放兩人被刪走的咀戲劇照。Renci踢爆珈其原先要求「刪疊刪」濕吻演出，但正式拍攝時，男方竟然臨陣縮沙，被取笑得把口！

由談善言、林家熙、岑珈其、楊偲泳、袁富華、楊偉倫等演出的動作犯罪電影《搗破法蘭克》，獲選入圍「第22屆西班牙亞洲夏日電影展」競賽部分，日前再入選「第24屆紐約亞洲電影節」。電影將於復活節4月17日正式上映。

岑珈其自認失敗

《搗》片打破傳統犯罪電影風格，無論導演或演員皆以嶄新方向挑戰固有框架，將帶給觀眾新思維及新畫面。Renci與珈其飾演曖昧賊拍檔，兩人出生入死之餘，拍攝



岑珈其自認失敗，不及楊偲泳專業。

時不乏拖手逃亡及咀戲。導演安排開鏡首日拍Renci主動向珈其獻吻，戲裏戲外皆怕醜的珈其勁尷尬！他表示拍攝前跟Renci商量如何配合演繹：「其實我覺得自己有啲失敗，明明男仔要令女仔安心，反而要女仔同我講OK冇問題，佢好專業。」

他認為配合劇情，輕輕一吻已足夠能表達箇中意義：「我同Renci之前兩套戲合作都係演情侶，但冇試過錫，反而今次唔係情侶，曖昧關係就有錫，感覺好浪漫。」Renci笑言：「我哋圍讀時，尺度係大嘅，但基於好多原因就縮到好細。導演本身諗住激啲，我之前係都擔心人身安全，依家都唔敢面對，因為珈其太太係跆拳道黑帶，哈哈！」她更踢爆珈其原先建議「刪疊刪」演出，但對方臨陣縮沙：「圍讀時佢話係刪疊刪，佢話會浪漫啲，但係去到現場我同佢講『咁我伸刪喇』，佢就縮沙，仲要我主動！」楊偉倫聞言說：「咁就真係衰，珈其得把口，又有要求，但係又要人哋做主動，呢啲唔要得！」不過由於電影內容豐富，導演為維持緊湊節奏，忍痛剪走該場咀戲。

幸好另一場拖手戲亦展現浪漫氛圍，珈其說：「我哋好浪漫，我覺得好似動漫嘅浪漫鏡頭，共患難共生死。」珈其更唱鄭伊健名曲《甘心替代你》，Renci笑言：「我唔敢拖咁耐，驚抽離唔到。」



楊偲泳戲中主動獻吻，岑珈其硬晒軟。

艾威太太病情惡化 留院排期換肝

苑瓊丹、艾威、劉小慧與黃子揚等昨日出席直播簽約活動，艾威哽咽透露太太陳美玲（Lisa）要入院排期換肝：「兩個月前太太情況開始惡化，出現黃疸、水腫，於是睇急症留醫，一直出出入入，到3月中一路留院，因為屬於大手術，今日仲要Check腦血管，怕手術過程有機會中風，所以要先做評估。」他承認以前做錯事：「擔心係冇建設性，我當年破壞咗我哋之間嘅關係（指離婚後復合），付出大代價先領略得到。」

苑瓊丹表示之前在街上碰見艾威：「當時佢有講太太嘅事，但見佢一臉落寞講起先知。其實做直播係場場清數，冇預支，今次就同老闊傾好早啲畀錢，我唔敢講幫到好多，但希望Lisa可以放心輕鬆啲。」艾威今次參與100場直播，先行預支50萬元，問到是否足夠付手術費？他說：「喺香港公立醫院排期換肝係免費，而且太太情況緊急，都排喺頗前嘅位置。」



艾威很感激苑瓊丹幫助。

馮允謙操弗備戰澳門騷

馮允謙將於5月31日在澳門倫敦人綜藝館舉行個人演唱會，他說：「舊年開完第2次紅館演唱會後，好大滿足感，但又唔夠喉，好想開多幾場。一直都好期待將呢個演唱會帶去其他地方，今次可以衝出香港去澳門開騷好感恩、好興奮，夢想成真！」馮允謙積極健身，希望以最佳狀態踏上舞台，但面對澳門的葡撻和美食，他坦言非常期待：「我超級鍾意食嘢，經常同家人去澳門，每次都可以好放鬆，好多開心回憶。」他透露媽咪答應從加拿大飛到澳門捧場，令他非常開心。



馮允謙期待跟澳門歌迷見面。

邵美琪最愛拍喜劇

邵美琪前晚到文化中心大劇院出席經典電影《92黑玫瑰對黑玫瑰》放映活動，她表示當年拍此片時很開心，因馮寶寶、梁家輝、黃韻詩與毛舜筠教曉她很多事情：「佢哋雖然係我嘅前輩，但好Nice，佢哋過咗好多招畀我，就算大家等埋位嗰陣，除咗工作，都會同我分享人生。」提到戲中布滿機關的大屋，她說：「依然印象深刻，不過已經拆咗，大家花咗好多心機喺大屋拍攝。」有觀眾問她最想拍什麼戲種？她說：「應該都係喜劇，因為拍喜劇可以令自己同大家開心。」



大批影迷排隊跟邵美琪合照。